

中國方志叢書·華南地方·第一六九號

據

清·汪兆
道光三年修
柯纂
民國鉛印
本修

影印

廣東省

東安縣志

(全)

成文出版社有限公司印行



10101552

9019875

中華民國六十三年六月臺一版

東安縣志

全冊

發行人：黃

成

助

出版者：成文出版社有限公司

台北市郵政信箱二二六〇五號

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

東安縣志叙

昔班史志地里風俗於山川之險易民俗之奢儉物產之饒瘠詳哉言之非夸示後瞻明政理所宜施爲後世守土者龜鑑也東安舊雜獫狁明萬歷間以兵夷之土其地及我

朝垂二百年


聖人淳熙之化外薄海甸循良之吏梳櫛而撫摩之去其蠹螭承我髦士昔所謂林深嶂阻蜂屯蟻聚之區旣變旣治比於沃壤矣然其境羣峯阻天鳥道險絕西出則司

東安縣志卷一
孤懸數百里犬牙差互錯於他壤沿江諸戍斗入絕壁
境分而崖峻巡警稍懈剽臚覬狐鼠竄逸不可究詰
田廬夾兩山間瘠雜沙石夏雨驟至水建瓴下悍不可
禦十日不雨源竭無餘水旱之劑恆難貧民畊富民田
彼此更授主不得問黠者更相欺匿訟由是興其民俗
尙敦樸而待澤於禮讓其士志在奮發而亟需乎鼓舞
故地雖僻小非精明勤敏者爲之治恒不易 邑侯汪
公以名進士來令茲土下車一晷民歌於塗杭稌告豐
獄靜無事暇乃披圖攷典補其缺畧邑諸君子踊躍索

筆從 公指授典實瞻舉燦然大明夫世之爲吏者日
勞於筆刀筐篋每以志書爲餘事不知政理之宜寬猛
之要不因其俗無以施其宜不綜其成無以酌其變且
高行懿跡久就湮沒使後來者靡所嚮效豈治之要乎
今 公日不懈於政而以其所治者筆之書循良之績
於是乎在後之官斯土者披是書而所以爲治者不外
得矣昔宰相名臣多起於守令他日 公之治及於其
大而實自東安始則是書者 公治行之初基抑東安
人士所志勿諼也夫時道光四年

夏... 卷一

賜進士及第翰林院修撰愚姪林召棠撰



序

邑志者志一邑之事實也山川疆域于是乎詳人物典章風俗土宜于是乎著上備國事之採擇下供學士之披尋所關至鉅也邑有舊志纂自郭莊諸君紀載寥寥踈略殊甚然而非畧也邑之建肇于明季割德慶高要數縣地及南鄉富霖二所於崇山之中置縣初則猛狼出沒盜賊隱藏人文未興教化未行猶草昧也今則相越百餘年矣列科目者若而人登仕籍者若而人孝子順孫義夫節婦昭昭可紀者又復若而人不及時搜訪


焉編輯焉脫更越數十載將湮滅不彰縱有博雅之士
淹通之儒欲稽考而無從嗚呼此誰之責也余以楚黃
下士承乏瀧東甫歷九月適奉輯志之檄風士人情雖
未盡悉然邑多君子夙諳大義會集之下欣然樂襄厥
事斯志之所賴以克成者也顧客有規余者曰邑之賴
宰秩卑而親民責至重也卽如東邑山多荒穢膏腴絕
少民之利未興也人多惰游盜賊滋生民之害未除也
甲科雖間出而顯赫之士無聞人文尙未蔚起也節義
雖不乏而澆薄之俗未泯教化亦未盛行也君初蒞此

不於茲之務而顧以志爲汲汲乎余曰如子之言是古
循吏之所難也古之君子整躬飭已不求於民而自
化今之君子以善教人而已矣志也者教人之一端也
人不知聲聞之貴忽聞某紳某士志列科名則相勸於
學矣不知道義之重忽聞某夫某婦志登節孝則相勉
於行矣是志不獨紀一邑之事實兼足維持風化諸君
子與我共成之亦輔政之助也客曰如君之言邑固難
期極治乎余曰何爲其然也曩子所言乃守土者分內
之事雖余顏汗未遑然金玉之音未嘗不奉爲座右之

佩而夙夜自勵況後之蒞茲上者其才其德且有百倍
于余者撫字焉教育焉行見萊蕪盡闢俊乂茂生奸宄
息而比戶謳歌禮讓興而風俗淳美又何患邑之不
蒸蒸焉臻於極盛也哉

道光三年癸未八月黃岡汪兆柯叙

汪兆柯



凡例

一星羅應乎地維宿度稽於分野而氣候因之故紀載必自輿圖始惟是辨方正位毋容舛錯茲細加釐訂以存其實至山川巖壑因景錫名相沿已久一仍其舊不敢附會標新

一城池公署壇廟倉儲之類皆因舊而錄之其中或長官捐修或紳士協修約紀其實惟學校祀典風教攸關肇稱殷禮舊志甚畧茲參以鄰郡各志獨加詳焉總飲之舉舉行雖罕然典章盛事亦不敢因循從畧

一賦役舊志與現今徵輸之數斷難相符茲以近歲奏銷與藩司額征款項為主其中沿舊增新征收支解本末源流皆勘合訂正

一陝官各紀姓氏重職守也其人曾爲此地長官雖賢否不一要不可湮其名故原制舊官先列於前奉裁舊官亦附列於後其卓績循聲則名宦有傳

一營政措置皆前賢識慮所周有關於地方不小故舊防數條雖昔有今無亦不敢以餘事視之必備錄焉

一文武氣化必重正途其有處則立德出則立功者卽未必播聞兩間卓冠千古而敦行不怠入仕能優亦邑中人傑也當仍前志之缺畧則後進典型無所藉茲特於正途中確

核以人作人物傳以寓鼓勵至於捐貲從政及治績未彰不敢錄入

一開揚幽潛之舉濫與隱均非其道凡甲圖苦節固不必以已旌者而盡之正不必以未旌者而先之故已旌前列未旌後列若非呈報甚確仍概不列

一言之精者爲文然或以人傳或以事傳或以文傳始足志不朽也若尋常宴遊請作何關於志舊志屏而不載今仍之

一舊志雖經重修邑中故實要難問諸詩籍學士其爲耳目難周者有矣厥後時爲增添非出一手或一事而前後互異一官而年代迥殊舛漏混淆不勝指摘茲編雖力懲孤陋廣稽博考則僞存真安知後之視今不猶今之視昔哉潤而澤之又所望於後之君子

東安縣志目錄

卷之一

輿圖

星野氣候附

沿革

疆域置郵附

山川古蹟附

城池

公署

學校

卷之二

壇廟遺愛附

禮制

賦役

倉儲郵政附

水利橋渡附

坊都墟市附

風俗

兵防

卷之三

秩官

名宦

選舉


仕籍封贈附

人物

物產

卷之四

藝文
外紀
附錄



東安縣志纂修姓氏

東安縣知縣黃岡汪兆柯則亭纂輯

東安縣教諭吳川林泰雲校訂

拔貢謝天保分校

廩生黃演光分校

增生周齡分校

生員彭士瑾分校

生員陳芳世分校

生員鄧瀛洲掌理

國學生鄧樹勳複校